

CONVENIO DE COLABORACIÓN ENTRE A CONSELLERÍA DE ECONOMÍA E INDUSTRIA E A ASOCIACIÓN GALEGA DE CERAMISTAS PARA REALIZAR UN ESTUDO SOBRE A VALORIZACIÓN DE RESIDUOS DE CONSTRUCCIÓN E DEMOLICIÓN NO SECTOR DA CERÁMICA

MEMORIA XUSTIFICATIVA

O director xeral de Planificación Enerxética e Minas da Consellería de Economía e Industria da Xunta de Galicia, **DECLARA:**

Que esta Consellería formalizou coa Asociación Galega de Ceramistas (AGACER) o convenio arriba referido por un período de vixencia que abrangue desde a data da súa sinatura ata o 15 de decembro de 2026.

Que o instrumento convencional ten por obxecto:

Regular a colaboración entre a Consellería de Economía e Industria e a Asociación Galega de Ceramistas para realizar un estudo sobre a valorización de Residuos de Construcción e Demolición (RCD) no sector da cerámica, en concreto a actuación obxecto do convenio consta das seguintes fases:

1º.- Avaliación da cantidade de xeso na fracción mineral de RCD.

Avaliaranse cinco fraccións minerais reais de RCD de diferentes zoas xeográficas para abarcar unha ampla gama de porcentaxe de xeso que queda sen separar despois da xestión e tratamento de RCD. A cantidade de xeso obterase como sulfato total das mostras de fraccións minerais de RCD.

2º.- Estudo a escala de laboratorio.

Definiranse tres composicións estándar para a fabricación de produtos cerámicos, que sexan representativas das composicións industriais dos fabricantes de Galicia e, posteriormente, introducíranse catro proporcións das fraccións minerais de RCD nas composicións cerámicas e estudarase o comportamento durante o procesado cerámico e as propiedades do produto acabado.

Os resultados permitirán coñecer a influencia da proporción de xeso e das fraccións reais de RCD sobre o comportamento en proceso e propiedades finais do material cerámico.

3º.- Estudo a escala piloto.

Coa composición optimizada de laboratorio prepararanse pezas prismáticas macizas e/ou ocas de 15*10*5 cm que se procesarán nunha planta piloto industrial. O obxectivo destes prototipos e dispoñer de pezas similares as industriais e detectar potenciais problemas de fabricación debido as diferentes condicións do procesado industrial respecto as do laboratorio. Sobre estes prototipos realizaranse os principais ensaios de control de calidade.

[Dirección Xeral de Planificación Enerxética e Minas](#)
[Rúa de Avelino Pousa Antelo, 5 \(San Lázaro\)](#)
[15781 Santiago de Compostela](#)
www.xunta.gal





Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

O artigo 48.1 da Lei 40/2015, do 1 de outubro, de réxime xurídico do sector público, establece que as Administracións Públicas, os seus organismos públicos e entidades de dereito público vinculados ou dependentes e as Universidades públicas, no ámbito das súas respectivas competencias, poden subscribir convenios con suxeitos de dereito público e privado, sen que iso poida supoñer cesión da titularidade da competencia, sinalando no seu apartado 3 que a subscripción de convenios deberá mellorar a eficiencia da xestión pública, facilitar a utilización conxunta de medios e servizos públicos, contribuír a realización de actividades de utilidade pública e cumprir coa lexislación de estabilidade orzamentaria e sustentabilidade financeira.

O Decreto 140/2024, de 20 de maio, polo que se establece a estrutura orgánica da Consellería de Economía e Industria (DOG. Núm. 101, de 27.05.2024) configura á dita consellería (en adiante, CEI) como o departamento da Xunta de Galicia ao cal lle corresponde o exercicio das competencias e funcións nos ámbitos de promoción e dinamización da actividade mineira e do aproveitamento dos recursos minerais.

Consonante ao disposto no artigo 29 deste decreto, as competencias en materia de minas están atribuídas, de xeito particular, á Dirección Xeral de Planificación Enerxética e Minas; e segundo o sinalado no seu artigo 34, correspóndelle á Subdirección Xeral de Recursos Minerais desenvolver o impulso de plans, programas, medidas e incentivos económicos orientados ao desenvolvemento, á innovación, ao incremento da competitividade e á internacionalización do sector mineiro de Galicia.

Segundo o artigo 1 dos seus estatutos, aprobados na Asamblea Xeral celebrada o 26.07.2023, AGACER goza de plena personalidade xurídica, estando entre os seus fins, recollidos no artigo 5, intervir nas relacións laborais para contribuír á defensa e promoción dos intereses económicos e sociais, representar aos socios ante calquera organismo, levar a cabo actuacións que permitan un mellor coñecemento dos produtos cerámicos, fomentar o desenvolvemento técnico e mellora económica da industria da arxila cocida, participar e manter relación con corporacións análogas, administrar e dispoñer dos seus propios recursos patrimoniais ou orzamentarios e aplicarlos aos fins e actividades propios da Asociación e todas cantas outras actividades de análoga natureza sexan adecuadas para o cumprimento do seu obxecto.

Conscientes da necesidade de promocionar e fomentar a sostibilidade no sector da cerámica, dado que é un sector transversal con produtos e solucións técnicas na





construción e outros ámbitos de gran relevancia económica, social e medioambiental, e co fin de alcanzar os obxectivos da Axenda 2030, a CEI e AGACER entenden que é necesario levar a cabo actuacións que poñan en valor este sector, que contribúan a alcanzar os obxectivos de sostibilidade e que fomenten e promocionen as cualidades e vantaxes do mesmo, poñendo en valor os produtos cerámicos, mellorando a imaxe do sector e promovendo unha mellora da economía e benestar social das comunidades nas que se asentan estas industrias e na sociedade en xeral.

A Consellería de Economía e Industria achegará ata un máximo de **TRINTA MIL CINCOCENTOS EUROS (30.500,00 €)**, con cargo á aplicación orzamentaria **09.04.734A-780.0**, proxecto 2023/00004, dos orzamentos da Comunidade Autónoma de Galicia para o ano 2026.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014.

En atención ao exposto, e a fin de dar cumprimento ao preceptuado no artigo 15.2 da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

Santiago de Compostela, na data indicada na sinatura dixital

O director xeral de Planificación Enerxética e Minas

Pablo Fernández Vila

